

清澗縣志  
(一)

浙大圖書館  
D631.762.5  
原12764

00804

清澗縣志序

夫志以紀實也郡邑有志

山川險易土地饒乏田賦

物力之盈詘官師人物之

良否士習民風之淳漓備

載於斯採風者按圖而稽



瞭若指掌則紀載之中寓  
有考核官斯土者因仍釐  
革斟酌調劑仿故實而法  
懿美因時弊而施補救則  
紀載之中又寓有觀型志  
固一邑之實錄也而龜鑒

因焉已清志創始於前宰  
阮公孝再成於陳公汝元  
悉心輿圖演為治蹟是志  
與政相通也兵燹之後殘  
編毀於蠹魚梨棗付之回  
祿版籍弗存考裏何由惟

我

皇清定鼎法令一新然因革損益每考掌故清因邊荒下邑風土人情猶有先代之遺問志則闕畧弗備文獻之謂何而聽其湮沒無徵

耶余承乏斯邑於學士大夫  
夫商確及此愾然忸然乃  
時當旁午諸務未遑有志  
弗遑會

太史益淵白公以讀禮旋祥  
禫之後余執疇昔傳揀故

老傳聞問有記憶阮陳一  
二舊什謁廬就正公以纂  
脩大訓之手敷以雕龍繡  
虎之才雪楞白子素承家  
訓紹述有源又以身為閔  
歷者藻以風雅如數家珍

兼之諸紳士各以見聞所  
及彙為四卷首以地理志  
形勝也次以建置志觀瞻  
也次以祠祀志對越也任  
土作貢則田賦有志分職  
授政則官師有志地靈人



清江集卷六  
月  
傑賢哲興矣人物不可以  
無志書升掄秀譽髦彰矣  
選舉又不可以無志書成  
不憚碌碌因人成事之謂  
欲授之梓旋承

大方伯陳公纂修通省不遺

於清屢捧檄催爰錄冊而  
上之人曰省有志矣茲何  
庸贅余曰否省志其要清  
志其詳辟如身之有臂臂  
之有指大小雖殊血脉流  
貫無少間也語不云乎海



為百谷之王支流餘派亦  
自成渠泰為群岳之宗寸  
壤卷石亦自為壘清雖彈  
丸黑子臧方氏之所不遺  
則星拱碁置以翊全秦之  
盛以成一邑之觀者豈贅

廡也。我余故付之。剗。氏  
俾觀風者不擇葑菲守土  
者有所驗証。斯志亦庶幾  
有小補也。夫昔

順治十八年歲在辛丑清  
和月分龍節之吉

清江縣志  
卷之六  
賜同進士出身知清澗縣事廖

元發謹撰



志序

國家肇造區區其聲教誨敷薄

海外內罔不率俾幅員之

廣郡邑繡錯民生其間異

質土地異宜風俗異尚物

產異用貢賦異等且吏治  
人文異齊苟非載記充詳  
曷以彰一統之盛哉故志  
以記事禹貢九丘古之志  
也周禮邦國之志小史掌

之四方之志外史掌之職  
方氏掌四方之圖以掌天  
下之地辨其邦國都鄙之  
人民與其財用穀畜之數  
要周知其利害所記九州



清江集卷之二  
之山川藪浸民利穀畜如  
指諸掌不其綦詳哉噫志之  
由來真矣我

清重熙累洽化浹方州將及

天下載記以成一統之書

昭示來茲凡郡邑之長各  
稽違牒彙輯見聞以俟采  
擇則今日邑志所緣作也  
吾邑舊志明昉於阮公繼  
修於陳公自兵火之餘卷

帙散失梨棗供爨下問其  
掌故於何致乎志固可弗  
修歟 邑侯廖公與余同  
第南宮除罕吾邑六載於  
茲政成化理歲既久其於

田賦民物風氣教養之事  
靡不悉已慨然於載記之

弗存欲有以志之會奉當  
事者檄乃進博士弟子員  
與士大夫而謀焉衆咸稱

善遂討論遺編博詢近事  
刪繆補闕彙爲全冊爲卷  
若干綱舉目張余覽而嘆  
曰侯良吏哉誠良史也昔  
史佚作史取郡邑志撮其

要韓昌黎過韶州亦索圖  
經資故實是邑之志史之  
權輿也今侯以史才作志  
吏事也乎哉展卷閱之直  
書厥事不飾浮夸稽其民

生之繁耗土地之廣狹風  
俗之淳漓物產之饒歉貢  
賦之增損吏治之得失人  
文之振靡燦然明備確乎

有據上之

朝廷爲實錄垂之奕世爲信  
史倘後此君子詳攷盛衰  
脩教齊政防微慎漸務使  
衰者日進於盛而盛者不  
至於衰則吾邑之幸也矣



又何不可以一邑之治治  
天下哉余喜其文獻之足  
徵爰叙冊端以表不朽之  
績云


皇清順治十有八年歲在辛

丑乾月中浣之吉

賜進士第翰林院檢討 順

治大訓纂修官邑人白乃

貞讓



青洲系三

清江集

序

七

纂志姓氏

翰林院檢討 順治大訓纂脩官邑人白乃貞總裁

吏部觀政進士邑人師國積

清澗縣知縣東平 廖元發彙纂

署儒學教諭舉人長安邵廷儀

甲午科舉人邑人白壽宸

貢生邑人劉浣初校訂

儒學廩膳生員邑人白乃建纂輯

青洲縣志 姓氏

目錄

地理志第一

建置志第二

祠祀志第三

田賦志第四


官師志第五

人物志第六

選舉志第七

姓氏  
目錄畢





府君廟

光君廟

縣丞

縣署

縣丞

縣丞

縣丞

縣丞

北至綏



白草三里

塞乃兒三里

宗平二里

東山寺

東岳廟

文昌祠

無定河

之國

馬神廟

王爺廟

營田舖

南至正



德州界

德州府

蘇帖里

蘇帖里

蘇帖里

蘇帖里

蘇帖里

蘇帖里

沈濟泰

德州府定縣界

清澗縣

玄帝廟  
筆架山

三清殿

蘇帖里

蘇帖里

蘇帖里

川城界

清澗縣志卷之一

地理志第一

清澗古雍州之域春秋白翟所居秦隸上郡西漢爲白土  
及奢延縣隸上郡新莽改黃土奢節東漢復舊名隸上郡  
後兵擾邑廢晉末赫連據之六朝爲魏地隋置新平縣隸  
隴陰郡唐初徙吐谷渾部落於此置渾州又於渾州之寬  
川置寬州蕃漢雜居五代李世福世叛州廢宋康定元年  
夏人犯延安鄜將种世衡言延安東北二百里有故寬州  
請因廢壘興之以當寇衝朝命世衡董其役且鑿井得泉

賜名青澗城屯兵戍守隸延州元符二年隸綏德軍建炎  
後沒金大定二十二年升爲縣隸綏德州元至正四年省  
綏平懷寧二縣入焉二十二年縣尹張顯建議仍隸延安  
路明洪武二年歸附仍爲清澗縣隸綏德州弘治九年知  
縣岳玉引元制議復直隸延安府清人便之

國朝因焉

清澗宋爲青澗綱目書城青澗是也今各清未詳何時易此

按陝志晉屬金城郡後魏屬新平郡今改金城在蘭州另  
一白土縣新平在邠州相距俱遠或誤

**鹽城**

延二百二十里

袤一百七十里

東至山西石樓

縣界

一百六十里

南至延川縣界四十五里

西至安定縣

界四十里 北至綏德州界一百二十里 南到延安府  
二百四十里 北到榆林鎮三百八十里 南到陝西布  
政司一千里 東北到京城二千里

**分野**清屬古上郡地在雍州之域攷通志當爲井鬼之次  
**形勝**東據黃河西遠黑水鐘樓官山前後聳峙延安扼險  
之地 岡嶺重疊谿谷深阻左可致河東之粟右可固延  
安之勢北可控沙漠之地屹爲麟延之衝舊志云前河後  
寨左澗右隘主草岡而食清流形勝之地也

**城池**舊土城宋康定种世衡所築明初增築緣岡阜高下

之勢分寬州古城半東西南俱臨河北據山東西二百九十步南北二百七十步週闊三里五步高連女牆三丈濶一丈五尺敵臺六座三門東曰朝陽南曰迎薰北曰拱極北關附焉嘉靖乙巳河西道副使方公遠宜始築西南二面石城皆用大石砌基高一丈復以小石完之又建敵臺四座有碑記今在城隍廟癸丑本府同知何公尙賢添築南雍城并門一座丁巳本府同知郝公璽添築南敵臺一座北關門一座戊辰又奉總督王公巡撫李公河西道馮公榆林道郭公本府郭公城堡同知邵公各移墩營東北後山城如

高幫厚築大敵臺一座上建重樓今祀關帝北關加敵臺二座

水門一洞壬申知縣方可築草場山重城後因水傾遺址

尚在乙卯知縣陳汝元查南門樓久圯且朱雀斜飛有忤

青鳥家之說改建于正中題曰景庾樓陳汝元序白翟舊

據靖函之要星纏屬井鬼之區蓮嶽屏橫腴脉遙通于王

版葱河帶逸靈濤近導于金繩自歸禹貢之三千遂壯秦

關之百二山既明而水既秀丹青難繪于仙圖井已鑿而

田已耕蒼赤相忘于帝力惟地靈人傑斯天啓運開酌史

炊經比屋皆聞絃誦提躬握契累朝獨數編摹繩繩兮奕

葉珥貂共羨夔龍接武濟濟然連枝起鳳咸驚羔羊成群

允為海內之輿區抑冠關中之天府乃瞻前雉聿有南樓

既久浥而將崩難供眺望且斜飛而未整有碍堪輿爰測

日圭而占風角仍舊材而改建捐薄俸以鳩孱自西徂東

相去雖云不遠移偏作正定之具曰方中南駉數千叠岩

巒不讓鳳舞鸞翔之夜，雉北窺幾百家煙火，還欣鷄鳴犬吠之相聞。繡柱雕梁，駭于霄蔚；霧珠簾畫棟，豈殊捲雨飛雲。追經始于蓐辰，幸落成于射律，乃邀寮友，共暢登臨。是日也，涼醞初澄，可以飛觴而醉；月寒英乍獻，爭夸薦俎之凝霜。歌袴興懷，適值授衣節候；彈冠相慶，堪追落帽風流。雖愧非百里之才，猶幸借四君之力。語文章則蘇湖造膝，古可推而今可揚論政事，則卓魯同心。左爲提而右爲挈，是必憂先于樂，還湏安不妄危。借箸而譚，覲鞶金湯于萬里；舉盃相屬，願調玉燭于四時。爰操湘管而擯辭，敢擬滕王之閣；且據胡床而長嘯，諺希庾亮之樓。因以名之，聊志慕也。妄爲揮灑，以博胡盧。孝廉邑人白篆詩。城上高樓竝武昌，開軒逸興陵清狂。蒼厓隔水浮烟翠，丹壑含風入夜涼。一片寒雲連睥睨，四圍爽氣逼胡牀。城西臨澗崖常不才愧我非徐穉，下榻重煩數舉觴。

城西臨澗崖常

有暴水衝崩之虞，知縣趙輅於正德六年西面修外羅城，自南暨北二百七十步，高二丈，以防水患。兵荒之後，大城

并外城日見傾圮知縣廖元發連年修築完固 南關在

南門河外常有水患不可以城 查南門舊有樓名鮮阜今圮

**堡** 峇寧川堡在縣城西三十里大川平坦路通安定 嘉靖乙巳

城堡道張公愚建議築 石嘴岔驛堡在縣北七十里民屯雜居通綏

德路 田庄堡在城北一百里民屯雜居通綏德路 俱張公築

懷寧城在縣北九十里宋慶曆中修賜名懷寧接橫山一

帶元豐中隸綏德城金大定中置第四將營 綏平城在

縣西北一百二十里即隋城平縣或城平州宋天聖中改

永平後廢慶曆中復修改綏平元豐中隸綏德城金大定



中置第三將營 後山砦在城東北三百步週圍一里山

高近城爲邑之後衛 拓拔氏砦在縣北二十五里俗呼

石蝦蟆砦音誤 營田堡砦在縣南三十里 順安砦在

縣北五十里元豐中隸綏德城與懷寧綏平俱一川守禦

之要 觀音石砦在縣東八十里無定河西岸崖上石溝

爲壕內有湧泉宋末百姓多避難于此 黑水砦在縣東

北一百里東控城平川西控黑水川路入盧子關北自大

理河至橫山最爲要害之地金置第六將營 新關石砦

在縣東一百二十七里崖下大河 白草砦在縣東一百

三十里東控黃河伏落關路北臨綏德界鐵茄坪定仙嶺  
蒲堂川三路最爲要害之地宋元符親綏德軍金大定中  
置第二將營 清澗砦在縣東一百四十里東控黃河一

帶宋慶曆中修築 以上皆宋金古蹟今無居人聊記其名以備考

墩臺附 鍾樓山墩 西溝山墩 扒子山墩 橫嶺山墩

後山墩 俱護城 鮑家舖墩 秋樹舖墩 營田舖墩 張

家灣墩 俱南 大佛舖墩 石蟾舖墩 李家坪墩 駱

駝舖墩 官山舖墩 坡底舖墩 慕家河墩 石嘴舖

墩 王家舖墩 康家舖墩 田庄舖墩 米家舖墩 俱此

路

牛家灣墩

劉家庵墩

寧川堡墩

俱西路舊志附載墩臺記道里

也今基址

猶存仍附

都崙明初編里十後併蘇帖三里入二里今九里

白草都一里

在縣東

白草二里

在縣東南

白草三里

在縣東北

俱

無定黃河之間

騫兒都一里

騫兒二里

俱在縣東北

以上

俗呼東五里

蘇帖都一里

蘇帖二里

俱在縣西北

綏平

都一里

在縣西北

綏平二里

在縣南

以上俗呼西四里

舊志都鄙後裁

各村名兵燹後里不數村村不數家名目甚多茲俱不載

山草塲山

在縣治北一百步亦名砦山神世衡續草處

鍾樓山

在縣前一百步其處

數百尺崔巍前峙舊建鍾  
樓以節晨昏今遺址猶存  
筆架山 在縣西一百步三峯秀

劉大觀詩倚空筆觀與雲齊  
策杖凌虛珠斗低蓬關長風

通塞雁仙關飛夢聽天鷄  
洪濤萬頃晴拖練峭壁千重夜

鼓擊此日良遊真絕勝  
尊前紅葉散香霏邑令廖元發詩

錦屏雄峙亘長天一帶統圍斷  
復連兩雨文峯映斗宿僧

曾飛閣鎖雲煙風吹谷口若  
爲語水向石崖東峰山 在縣

微奏絃圃首荒城磷積處  
瘡痍滿日有誰憐

里上有寺清 虎頭山 在縣南二里  
官道之西 官山 在縣北五十里萬

川第一名勝 通往來官道地 小官山 在縣西五十里延安自清化永平

險之奇絕者 過此山由懷寧田庄達綏德古路

石橋山 在縣東六十里舊時有  
司存白都公建橋故名 吐谷嶺 在縣東二十里唐

治州界故 昔嶺 在縣東  
二十里 官廳原 在縣東  
北三里 黑龍原 在縣東

相傳云 南三十

里 石白原 在縣東南  
六十里 清澗水 在縣西城下自安定界來南

流延川縣入黃河俗名大河

青門系志 卷之一 六

東河發源自首着嶺吐谷嶺党西河在縣西發源自峰臺

無定河自綏德州界來經縣東懷寧河源自安定縣栢山

五里東流在縣東黑水河自安定界來北去縣小呂

梁在南四十里張家灣以水勢

百蹟寬州城唐初置即懷寧城宋慶曆中置元綏平城隋

城平縣宋慶曆中置相傳李顯忠破紅營田砦即宋种世

順安砦即唐初南平州安周縣宋初建南安黑水砦宋慶

築李永奇世都巡檢駐兵處又清澗砦即隋綏平縣地名

築草場山种世衡無定河一名奢延水又名銀水與地廣

積草處記唐立銀川東北有無定河即

圖水也後因潰沙急流淺深不定故更今名唐陳祐詩無定河邊暮笛聲赫連臺畔旅人情函關歸路千餘里一夕

秋風白 新關渡 即宋种世衡種公井 即石井宋种世衡所鑿也初世衡城青澗

雖據險隘而乏水泉慮不可守世衡命工鑿地百尺餘遇

石不及泉工辭不可穿世衡命工復致其力屑石一畚償

以百錢過石數 白草砦新井 宋嘉祐中內殿崇班白草砦

重泉因沛發 主康惟幾鑿試秘書省校書

即張頌記白草砦居山之巔四面峭壁峻不可攀唯西有

盤道抵城門斯乃為天地之險固據山川之形勢矣若守

之有道則秦之百二齊之十二雖小大體殊其勢一也崇

班康君攬視墉闌樓櫓器械無不完具獨中闕井由是擇

地募工且開且鑿深幾十丈而底石堅不可破眾皆患其

不成于是其言以勉之醴饴以勸之晝作繼暮咸不憚勞

茲乃告就先是一匠穿累十餘年厥績弗建至是泉之出也

莫不忻然喜動手色何則衆渴斯泉之出也久矣昔貳帥

刺山耿恭拜液蓋逢艱危之際能以精誠感神勤力濟衆

故書在漢史名芳不泯是知軍之所萃雖糗芑克衍非水

不濟故兵家所貴焉今若侯君子之舉茲役成茲事足以誌其勒紀修職之美嘉祐二年五月十四日

### 李公窰

在縣東三百步相傳李顯忠母避雨窰內適生顯忠紅光滿室後有暫棲者輒生疾病不敢復居

### 大歸原

相傳宋時有女歸寧于此坐而化故名

### 漢王寺

相傳漢王魯駐蹕於此邑人白篆詩地靈

鬱律跨河東表刹崇基豎梵宮佛祖今茲遺法相漢王何

代起雄風殘碑漬蘚空磨滅老栢逢時自蒨葱慧日重昏

應曉揭修林

### 大佛寺

宋皇祐建相傳有異僧欲募緣剏刹何慮不成叢忽重霧三日及解僧惟存石佛一尊

高夾餘故名又土人痘疹者皆乞藥于佛以占吉凶

### 石臺寺

宋僧王嵩寓此邑令廖元發觀風憇此詩試問

祇何處類呼出石縫穴居近太古朴貌類先農鶉結無全

衽哺含祗半春勞心撫字者惟悴昔時容邑人白乃建詩

峭壁中流柱迴瀾曲澗深野煙封雉堞晴樹隱禪林

春老花鋪席風高石作吟振衣霄漢表饒有問天心

### 亭

在白草砦宋內殿崇班白草砦王康惟幾右班殿直李某構試秘書省校書郎張頌記砦莫驚邊之一隅沙漠

萬里春無草以藉觴夏無林以避暑者秋則風雨愁慘冬則  
霜雪苦寒加以土山連綿迤邐無際農耕牧踐遠邇一聚  
故樹石蒼翠之景寂無聞焉崇梁康君殿直李君因暇橫  
城東北隙地遂構新亭烟嵐氣象陰霽移色故命以翠光  
為名右開圃以植花之芳左貯泉以養鮮之族前建榭以  
講射後既樹以迎涼苔點逕以青粘藓抱石而碧溢風光  
雜遷移變塞郊其有纓綬上客劍珮嘉賓足以攄懷而放  
曠造意以歡娛若非雅流孰荆清景功既告畢請予為記  
謙不獲已直書厥事嘉  
祐二年十月十二日記 **王宿里**  
過此宿焉有方石為王眠

處無蚊翰林邑人白乃貞詩  
嗒岬邃嶂破鴻濛上有眠王  
大百雄雲起猶含天子氣泉鳴以詠李唐風接鷗徑落高  
原外繫馬櫛留斷穴中弔古情 **祭風臺**  
在縣北一里高百  
深徒悵望平疇草色映晴空  
址 邑人白乃建詩高臺臨澗水橫鎖一川雲日暮秋聲

起西風送雁群

**景致文昌春暘**

俗傳為李顯忠將臺今祠文昌澗水遶麓  
古柏叅天春明更覺奇媚知縣陳汝元詩



今日文昌閣當年武將臺烟痕浮翠栢日影覆蒼苔闕閣

斜陽照官牆瑞氣開花香蘇水色相映掌中杯羨燕邑人

白篆詩芳春饒霽色高閣敞文明樹影交花影鍾聲叶水

聲重簷霞片片曲渚鳥輕輕累樹遲殘照翠微入座橫

**草場冬雪** 古建寬州土城猶存宋時積草于此縣治枕山

木自槎枒城郭千家滿谿西四望賒昔時追積草此日眩

生花為慶豐年瑞偷間注紫霞白篆詩地迥鬱紆餘皎然

一望舒先春時兆瑞孤閣靜舍虛披斲人何

似詠詩興自如城隅堆粉砌光映月生初

**東峰晴空** 不

甚高而頗平衍上有禪林清川第一名勝雨霽天青暢人

心目汝元詩東峰藏古寺風捲濕雲輕肥綠沉煙樹遙青

壓石城藤蘿留晚照鍾磬報新晴坐久閒花落嬰嬰聽鳥

聲白篆詩天風清曉霧緝宇絕塵埃芳樹晴舍照靈巖花

故開澄江浮碧沼翠壁積青

**鍾崗皓月** 舊建鍾樓以前晨

昏尚存遺址秋宵

明月四望無遮為城南一佳境汝元詩城南撐一柱秋夜

白雲飄王碾移青嶂水輪麗碧霄微破迷谷口如雪滿山

椒樓廢鍾聲絕荒臺倍寂寥白篆詩誰為和王屑流素滿

層巔時有明與晦玩期缺再圓照山光染黛浸水影便娟

不許微雲點佛巖涼夏高巖數十仞澗水滌其下名清涼

偏宜雨洗天巖汝元詩斷崖橫古廟溪谷瀉寒

流匿日千山冷團陰六月秋不知金氣伏疑似火雲收此

水清還列偏宜注王旣白篆詩炎敲何處滌覓憇坐輕風

樹密層陰合泉深一線通水因分次第濟橋霜天普濟橋

山勢隱窮隆此際堪消暑還期醉碧甯在城南

爲鳥延達術鷄聲殘月人跡寒霜至秋深尤關旅况汝元

詩鳥啼路未殘野渡勒征鞍馬足秋風苦鷄聲曉月寒驅

車霜有跡題柱露初乾一望黃砂磧歌飈行路難白篆詩

修梁石磴盤迢遞路漫漫夜月關山冷朔風征塞寒霜華

淒落木曉氣凜江灘相石臺壁立石臺天成相傳宋僧王

望前村近沽驂強自寬嵩寓此後建觀音洞壁

立千尋爲清川水口汝元詩積翠籠山寺輕煙獲石臺羽

觴催鳥送梵磬逼雲來燕尾雙流合龍髯幾樹迴僧嵩曾

苛跡慷慨憶雄才白篆詩登砌累高丘明霞檻外浮危樓

平插漢倒景見中流賸有千年蹟寒生四壁秋飛雲穿潔

石開牖引清颺官山奇聳山當往來官道上建祠祀玄武萬山旋

深絕磴懸高聳棟瑤天二水流還咽千山斷後連遠峰巒

落日古廟貯晴煙獨有探奇者登臨興浩然白篆詩千巖

非一狀峯頂鬱嵯峨踈日分林靄迴阡長女蘿隅高蒼鬣老寺眉白雲多萬竅鳴天籟悠悠若嘯歌筆山遠

駝三峰列峙形如筆架為縣治之右臂春深樹茂掩映古

煙出谿聲遠郭聞鍾踈傳曉露廟古映斜照迴眺神俱爽

遙空看鳥群白篆詩探奇無勝具須藉葛陵君極目連天

水低妝出岫雲烟密供指顧城郭無定洪濤滙衆水而瀉

鑽氤氳長發蘇門嘯嘈然數里間汝元詩湍因衆

途客旅心洪波相種處浩島霧蕭森

關梁郭家河渡

在縣東一百里過黃河通山西永和縣

崖頭渡

在縣東一百一十里通山

西石樓縣老鴉關渡

在縣東一百二十里通石樓縣

新關渡

在縣東一百二十里即種公致河

東之粟處堤址猶存

馬灰坪關渡

在縣東一百五十里通石樓縣

界首渡

在縣東二百里通山

西寧鄉縣小橋

在南門外以木為之水發轍被漂冬春立馬

大橋

在縣南一里

永興橋

在縣

南二里南天橋

在縣南三十里

龍門橋

在縣東六十里

遇仙橋

在縣東八十里

水利石井

即種公井

南新井

在南門內名宏濟井

龍泉井

在寧川堡內北山下水淺清冷

堡內賴之

白草砦新井

見右蹟

東石泉

在縣東門外清潔其美清民利之

黑龍泉

在縣北一里清激澄瑩

霍公渠

在縣西一百步萬曆乙亥知縣霍文王開迄今遺跡已不可問矣石岩間

猶鐫三大字邑人白壁志畧清人素不通水利興之自邑侯孟陽霍公始公下車百廢叢舉尤軫我毗務時諗于衆

曰清多泓潔之流而無灌溉之田者由未䟽疏之無法故也吾爲爾導之每于案牘之暇携一僕荷一鍤循行郊陌間相其可田可渠者手自經畫焉邑之南曠開南渠西曠開西渠悉引巨津之派平其磽确四峰架壑迤邐相屬溝澮然極其所注灌沃野之田可數十畝其于岑寂之鄉一線之水俾課爲蔬圃而于高田之可汲者又製爲轉輪之式曰是可激之在山也捐俸易嘉稻數斛命家傭之善稻者計畝給種蒔秧布法公出省必召余儕與焉綠雲盈疇清流眈眈林密依稀憚心暢目其饒者畦者樞俛而從事者低回而眺望者舉沾沾然有生色恍不識爲舊壤也噫嘻昔之高亢不田者俄成膏腴之區昔之涓滴勿汲者頓溥沃灌之利豈地靈之有待抑公之卓識汪澤無造不底異績也耶昔漢趙大夫白公穿關中故渠民用以饒史稱其舉鍤爲雲決渠成雨頌之者不衰今公黜道傍之見散霖雨之功以無所困之跡垂不世之利其貽我後人者何如耶清人恐後人之湮斯渠也故誌之于壁

清邑萬山相連高則山頂無有泉澤下則山足陡凹側隙兩岸夾澗難施灌溉俱係石崖並無水利此僅志道

城井泉  
之勝耳

風俗尙氣槩先勇力厚重質直 尙儉約勤稼穡多畜牧  
少寇盜 婚不論財喪不事佛民務農桑士崇學問

灾祥嘉靖乙丑大饑人食軟石多斃乙未蝗飛蔽日癸卯  
迅雷暴雨有石墮大如升其色赤乙卯十二月夜半地震  
乙丑七月夜河水瀑漲漂沒南關 隆慶戊辰二月地震

己巳黃土城二山崩裂成湫相傳有龍居之大旱取水即  
雨庚午年六月二十一日子時大雨水漲衝壞南門甕城  
并居民數百家壬申大旱斗粟二錢 萬曆乙卯彗星見

自酉至卯方落辛巳二月十六日午時天火降北街居民  
盡爲煨燼壬午大饑斗粟三錢一孩易粟三升吏科白給  
事具題准發三千金獨賑本縣丁亥大饑斗粟三錢戊子  
道燻相望南門外拙萬人坑辛卯六月蘇帖一里雨雹積  
三尺甲午八月隕霜殺禾斗粟二錢庚戌大饑斗粟二錢  
辛亥蝗甲寅八月二十一日蘇帖一里雹大如鷄卵田禾  
盡偃知縣陳汝元請賑本年九月二十一日戌時地震丙  
辰旱蝗 天啟丙寅大水與城齊漂去南雍城沒南關民  
數百家 崇禎三年大饑盜起斗米六錢人相食死者遍

城野拙萬人坑瘞之發帑金數十萬命御史賑焉自是連  
歲皆饒至十五年方稔 順治丁亥六月飛蝗突至天日  
不見禾苗頃刻立盡巳亥雹如鶩卵積數尺

### 建置志第二

**縣治**在草場之麓中街之北洪武癸丑知縣鄒宗彞建嘉  
靖癸未知縣馮璉丙寅知縣阮孝萬曆甲寅知縣陳汝元  
各重修崇禎庚午正堂火知縣牛養蒙重建正堂四楹大  
門儀門各四楹左右角門二楹 堂東西庫房各三間  
房科共十四間 隸房二間 堂後亭五間 廳後知縣



宅 堂東縣丞廳宅今裁廢 堂西典史廳宅 倉在大

門內之左 獄在大門內之右 寅賓館在倉之北萬曆

丁未知縣陳王道建甲寅知縣陳汝元改建題曰虛受堂

知縣廖元發詩和孝廉白壽宸韻憶昔停車園水東遙瞻

紫氣映關中澗流不斷前賢脉山峙猶綿太古風假使彈

琴堪領益誰云膠柱憚虛公前籌

借箸心期遠願掃懸牀揖若翁 旌善亭申明亭各一

門在縣治大門外左右今圯基址猶存

**學宮**儒學在縣治西南一百步 文廟之西洪武癸丑知

縣鄒宗彞建景泰間知縣張定正德間知縣馬呈圖嘉靖

戊午知縣王欽各重修萬曆甲寅知縣陳汝元復申請重

修俱有碑記  
不備載

明倫堂五間

博文約禮二齋各三間

東西號房各九間大門四楹儀門四楹東西角門各二楹

敬一亭三間在堂後嘉靖丁亥知縣譙仕雄建 教諭宅

在亭後 訓導宅在教諭宅東 學舍舊址在儀門外西

以上今俱  
傾壞議建

社學舊在縣治西三十五步今廢其在各鄉

村者兵後俱不可考

驛通奢延驛

舊在角門河外初名清澗驛洪武已未知縣  
邵仲實重修因改今名嘉靖乙丑河水漂沒

改建于舊教場內萬曆乙丑復為大水所推驛官賃居民  
房今裁併奉衝僻冊設驢二十五頭夫十一名應迤

石嘴驛

在縣北七十里舊例安定延長延川安塞清澗五  
縣朋當各昭各縣額設站銀自徵自支各備驢夫

赴驛走遞十三年奉衝僻冊額驢二十五頭夫十一名仍  
 各照各縣額設站銀自徵自支各備驢夫應遞不敷站銀  
 撥涇陽縣協濟銀一百五十兩支給下剩者解司克餉十  
 六年冬有延民妄訟延令有遵旨恤民之申各上臺  
 審定鉄案今將看語附志膚施縣葭州綏德州米脂縣保  
 安縣五處會審看語得石嘴驛雖係清澗所轄而該驛  
 走遞驢頭向來係安定等五縣朋當踵舊已非一日第清  
 澗民係土著如憐邑之民至彼走遞勒以房租強梁之狀  
 是或有之而苦役窮民馬克當彼地方之人魚肉乎此鄭  
 一順等所以有恤民之控細閱延令之申文遵照欽定  
 之衝僻冊不願赴彼走遞止協站銀誠為地方殘瘠起見  
 体恤民情之至意如照數協銀不撥夫匹而安定等縣必  
 起而效尤亦止協銀不應差匹則清邑之民何辜而獨受  
 其苦累也夫延屬之民疲苦大畧相同利於延則病在清  
 利於清則病在延而調濟於可久之間莫如照舊之為長  
 便也即以二邑之夫役論延長之千谷驛至文安驛七十  
 里而清澗之奢延驛至綏德則一百四十里而夫役之苦  
 倍累於延長故當日議定者清澗止協濟石嘴驛驢一頭

而延長有三頭半之額議當事者早已灼知其輕重况所  
協之驢即在延長衝僻冊內乎至於奸民之指勒是當責  
令該縣嚴為曉諭禁革則彼此庶可相安於無事而訟端  
可息矣緣係會審事理應否照舊甲職等未敢擅專伏乞  
憲裁定奪 署府事清軍同知朱 看語看得清澗縣相  
距綏德一百四十餘里而石嘴驛居清綏之間衝僻冊額  
設驛驢二十五頭五縣朋當各縣以額協濟站銀兩自為  
備辦相沿已久今延令之申文請詳者止欲協濟站銀不  
欲備驢走遞亦体延民疾苦之意代為呼籲不為無見第  
查石嘴驛所設之地係綏德衛所轄而五縣共為協濟分  
別驛驢多寡以均勞逸匪朝伊夕今一縣紛更而四縣之  
曉曉效尤者俱欲止協站銀則二十五頭之驛驢何縣肯  
為置辦乃獨受其疲苦而其心不辭者不惟議論更張無  
濟綏急忍爭辨無息驛遞立斷更可虞也今經州縣會審  
前來更再三酌量無可紛更相應照舊五縣朋當原議額  
設驢頭走遞均屬妥便 甲職未敢擅便伏候 憲臺裁轉  
署分巡河西道事延安府清軍同知朱 覆詳無異看得  
清澗所轄石嘴走遞驢頭原係安定等五縣朋應已久今

延令申請祇因本縣災侵相繼欲協站銀不願赴彼走逃亦体恤延民殘苦之至意不謂無見但恐倘一更張其安定等四縣未必不起效尤之端而增多事之煩致令清澗獨受其苦累也且驛務攸關既經各州縣公同會審再三酌量秉公確議似應仍照成例遵行走逃庶葛藤立斬紛更永息矣 驛傳道宗 請看得驛遞煩苦各地皆然協濟急公普天同例查石嘴一驛介清澗綏德之間其額設驢頭派定五州縣各照銀數備驢以供差使非一日矣即衝僻驢頭站銀并載亦未分晰協銀不協驢也今延長縣止欲協銀誠從百姓起見但該縣協驢三頭半便稱若稱累不已而安定縣協驢十頭反黑黑無言豈獨勞于延長而逸於安定耶且延長協銀諉之清澗而清澗又將誰諉一縣爭衡群縣控顯則紛曉觀望恐誤郵政匪淺也同屬百姓彼固當難此亦宜恤獨任維艱衆協易舉且於衝僻冊初無遺碍終不苦仍舊協驢之爲愈耳至於民重索房租應令清邑嚴加禁誘可也既據該府確議前來本道覆核無異相應轉詳以聽 憲裁緣係批查確議事理擬合申詳伏候 憲奪 是綏都院批該道行知各州縣一

照成例永為遵守毋令紛擾繳 陝西撫院批如詳林禁錄

知縣廖元發石嘴岔驛遊 旨恤民碑記 石嘴岔驛安定 安塞延長延川

清澗五縣朋當各縣各有額設站銀自徵自支照額自備

驢夫應遞亘古成例遠年始不具論自明季已數百載各

照例走遞無失 清朝定鼎歷十三年奉衝僻冊以後歷

十六年遵例朋應各無異詞一則成規久定不可變更一

則係各縣着骨血差不可拖卸十六年冬突有延長民乘

延令新蒞未知舊規妄相懸愆隨具有叩天遵 旨恤民

之詳申各 上臺止欲協銀不備驢夫嗟乎天下莫重於

驛遞莫累於驛遞按畝計程亦莫均於驛遞如延長有干

谷驛清澗有奢延驛此本縣之正驛也石嘴驛界綏清之

間南北各七十里清澗與綏德衛土壤犬牙相間石嘴驛

雖在清澗境內而實立於綏德衛地方前人安插於此誠

非無見蓋謂此五縣協當之驛即清澗亦在協當之列而

非清澗之驛也故不立於清澗縣地方而立於綏德衛地

方一以定里道之均一以杜奸刁之萌今延長欲協銀於

清澗清澗將協銀於何縣乎脫如彼三縣皆欲協銀驢頭夫後將誰備置乎且變幻其說指衝僻冊前載驢夫是清澗額設之驢夫後載站銀是四縣應協之站銀嗚呼吾輩忝在守土凡通變一事與舉一詞必明白公正可信於上莖可信於下民不悖往例不違今旨斯爲至當未有率任己意馳騁其說妄誕不經者也夫天下之驛遞多矣棊置星羅以應皇華不獨吾延清么麼二邑自奉 旨官養各動額設站銀置買驢頭招募夫役入局走遞率土皆然是站銀即驢夫而非於站銀之外別有額設之驢夫也如謂衝僻冊前載之驢夫是清澗額設之驢夫細查衝僻冊載延長縣站銀四十五兩餘尚不敢肯置驢三頭半募夫一名載清澗站銀止十一兩即能買閩驛之驢二十五頭夫一十一名有是理乎延長之論公耶私耶確據耶妄誕耶此不待辨而自明矣 上莖稔知此例批令綏葭五州縣公審延民復以勒索空價爲辭不思驛係衛地無清澗一塊土將誰爲地主而肆其情勒耶此延民之遁辭也抵之延民意在協銀不備驢夫詞窮而復生節外之支清邑止欲照例不欲紛更理正而不辨無端之謗五州縣未

戶部上之府轉呈 河西 陝撫 延撫

兩院俱批遵照舊例彙為鉄案是後也發難於十六年之

十月歷十七年三月而始定四月朔日延民引鹽夫供後

過予若有慙色嗟嗟予方幸其來而豈追其往且延民即

吾民何嫌何疑而有慙意予曉以成例慰以温言悉相率

赴驛而去茲不獨清之幸四縣之幸驛脉源源即隣封胥

有厚幸不然寧獨清之累四縣之累越站之害將立見矣

所關於五縣者匪小所關於闔屬者更大予固備述其事

暨各 上臺者語彙諸石令後之共事者各同心共濟匪

止同舟之雅而實成例之必不可變云

在城總舖舊在縣治南數步即舊善惡亭今壞無存額設舖司

兵九 營田舖在縣南三十里 駱駝舖在縣北四十里

石嘴舖在縣北七十里 田庄舖在縣北一百里各舖額設舖司

兵七名舊每舖俱有堂屋今無存



倉場預備倉三十五間在縣儀門外左萬曆癸丑知縣陳  
汝元重修兵火損壞 國朝知縣廖元發重修正庭廩房  
四間南廩房六間北廩房六間常平倉廩房一間共一十  
七間常平倉亦在預備倉內

教場在縣東南三百步即種世衡教習民射之地永樂已  
丑知縣侯華建演武亭三間左起將臺前築石塼後因凶  
荒玩愒附近屯丁耕占嘉靖戊午河西道副使王公批查  
復舊其界東抵山麓南臨河岸西接山川壇北倚文昌臺  
嘉靖丙寅知縣阮孝奉文建驛于此而設教場于射圃隆

慶英午驛被大水摧徙其地仍爲教場萬曆甲寅知縣陳汝元重修

**察院**在縣治西五十步洪武壬戌知縣袁敬建嘉靖戊午知縣王欽丙寅知縣阮孝各重修正堂三間東西隸房六間大門二間各四楹左右角門二楹寢室五間左右廚廂房各三間萬曆丙辰知縣陳汝元奉文重修增建穿廊五間內有損壞順治己亥知縣廖元發重修

**石嘴驛察院**兵荒久廢於順治十六年知縣廖元發於官署舊址建正堂三間後房三間左右耳房各二間大門二

楹知縣廖元發重修石嘴分驛公署記

石嘴分驛當延綏孔道距綏清各七

十里兵荒以來公署廢為平地

上臺使客經歷於此必

兼程以進夏則烈日苦奔冬亦冒霜疾馳窮日竭履飲食

弗遑且風雨不時稅駕無所吏茲土者誠不能辭其責會

中丞馮公出巡烏延憇此悼惜命余以重建之役余以此

驛雖隸清澗實五縣朋當公署之費舊自五縣協修中

丞唯唯首肯余不量闕會四縣備悉

上臺至意祈求同

舟知延川劉毅議照驢頭均攤誠為公妥即如數協濟知

延長縣亢秉忠量協銀三兩其餘俱余捐俸湊備鳩工聚

材經始於十五年二月朔四日工竣於三月朔七日為正

庭三楹丙庭三楹吏廚隸房各二楹門屏垣墻犁然備舉

規模雖未宏麗各

上臺臨此或可小憇是役也非敢告

勞良以五縣協修之事余獨當十分之九後之繼此修舉

者幸備悉原委庶情其濟勿以余今日之獨勞者反借為

口實庶衆擊易舉署有常新清之邀惠實多矣是為記

附詩庭小數椽蔽力綿勿憚磧熊車聊脫駕烏府暫停輪

共濟懷舟侶延綏延川獨擊憶德鄰安定從茲基樸斷

冊牒看  
重新

### 雜署

陰陽學醫學俱久廢遺址無存不知所在亦無人應啟

僧會司在縣城外東南道會司久廢無考

養濟院舊在北街後改於北關外後又改於教場演武亭  
大兵拆壞無存遺址尙在

漏澤園在厲壇南十步知縣廖元發建立爲義塚舊志載  
有坊表兵亂拆壞無存

滄海縣志卷之一終

清瀘縣志卷之二

祠祀志第三

文廟在縣治西南八十步  
洪武癸丑知縣鄒宗彞建洪熙

乙巳教諭陳致中正德辛未知縣馬呈圖隆慶己巳知縣

阮孝萬曆癸丑教諭胡雲鵬甲寅知縣陳汝元各重修先

師殿五間東西廡各五間櫺星門三座戟門四楹 國朝

順治己亥知縣廖元發重修舊有祭器庫貯銅器數百兵後俱失神厨在戟

門內省牲所在戟門外今俱廢啟聖祠在先師殿東正殿

三間門二楹明陝西僉憲臨川饒安重修廟學記粵自周衰聖王不作學校不修三綱淪而九法斁時

則吾夫子以天縱之聖特生其間然不得君師之位以行其政教乃歷聘諸國卒老于行于是剛定繫作述堯舜禹湯文武之傳爲天地立心爲生民立命爲萬世開太平也苟非吾夫子明其道以詔天下後世則列聖之傳蓋將泯焉無徵故自中夏至于外服率知夫子之道如秦和元氣流行四時不可一日息也我太祖高皇帝龍飛淮甸混一區宇內而京師外而都邑咸建夫子廟學以宏教基雖遐陬僻壤莫不破其化焉宜乎子貢有若皆云自生民以來未有盛于夫子也夫清澗延安支邑古雍州邊鄙也在春秋白狄之墟秦漢部北地當是時禮義之教邈然無聞唐置寬州始畫疆界逮宋則其地近于西羌守臣范仲淹命种世衡築清澗城以拒之然時專尚武文亦未興也其廟學肇于宋季因陋就簡距今二百餘載歆頽傾圮何以聳邦人士觀瞻俾之興起識者慨焉洪熙元年夏五月教諭陳致中諗于生徒曰徧天下而得通祀者唯孔子一人而已今廟祀弗稱學政弗修誰之責歟苟不新是圖則奚以崇先聖育賢才而副國朝崇重之意乎諸生翕從無有後者乃疏聞于郡守暨分鎮武臣皆樂而資之好義之士聞

風勸助者繩繩相續于是命工構材完舊益新不逾半載  
禮殿告成聖哲有像自門廡至于齋舍靡不完飭官府不  
擾民力不煩俾乎百載之缺典煥然一新噫聖道之有益  
于天下久矣致中之有功于聖門厚矣予安得不叙其顛  
末而示其來者乎昔胡瑗教授蘇湖嚴條約以身先之厥  
後弟子仕于朝者若錢藻之淵篤孫覺之純明范純仁之  
直溫錢公輔之簡諒炳炳烺烺昭耀史冊茲致中教諭九  
載一以胡公是式道以忠信漸以仁義俾他日清澗士子  
登名朝著受任方隅其功業德望之隆安知不如蘇湖也  
哉矧後之視今亦猶今之視昔此予所以拳拳望于致中  
也然則宜敷聖化獎勵學校在憲紀之職宜然故不得以  
不告邑人白篆文廟修葺序語曰君子道其常哉 夫子  
之道常道也國家育士法祖有明訓顯若畫一諸不在五  
經之科者勿並進常制也故學者衣於斯食於斯寢且息  
於斯常行也匪是則異焉廟貌焉而異雞棲井犇盤行刻  
儼詭文圓波巧爲紛拏而毀宇齋舍門廡堵城郡國一體  
者何也常故也像劬焉而異金容緝髮規昱錯眩竊兇伏  
虎蟠龍連組其傍而木主質文不事彫鏤不假徽稱者何



也常故也禱祠焉而異吉日辰良薰肴薦精瑤漿靈勺窮  
荆吳其酸之變者有之而二仲上丁樽玄酒俎生魚豆太  
羹簿正祭器者何也常故也壇壝焉而異孔蓋翠旌鳴樂  
獻等芳菲其繁會而什奠瘞繒不舞不授器行中采齊  
者何也常故也異者日趨于異而常者日失其常學士皆  
而馳之即良有司亦任其敗壞而不顧之問之天下而然  
矣邑侯周冲漢公蒞任值大祲後甫踰年而廢者舉慨然  
於學宮之失常也不獨學也文詞之裔宇鬼瑣功令屢申  
而不悛衣冠舄屨之奇衰幾於墨幪深嬰艾畢而不知怪  
夫物反常爲歿此所以胎大亂而無底止歿不勝德吾願  
學者之修德也反經而已說在乎 夫子之對魯公曰所  
謂君子者言忠信而心不德仁義在身而色不伐思慮明  
通而辭不爭猶然如將不及者君子也常道也然則修學  
宮也復其常也其在詩曰濟濟多士克廣德心我邑侯敦  
教化美風俗人有君子之行使天下而然則奇異之倫有  
不秉厥恒心威遵大道者吾不信也其後重修具有碑立  
戟門下不

能備錄

明六部侍郎邑人郝名宦重修廟學記我明天子以孔子之道化成天下編立學宮世所稱賢公卿大夫疇不遊孔子之門遵孔子之業耶傳言郡邑長吏崇化以勵賢材治行著脫庠序之事未皇亦淺之乎其治矣漢殷褒修起學校布文明之化晉范甯興學勸士後世多其作人當時少奔用度躬自省約崇儒抑俗潔已先之故其治行爲天下烈清邑廟學歲久浸壞先是明府馮公文學胡君李君先後修之力詘役罷即門牆猶然未葺也我陳公下車以來事治民安矣百廢具舉矣校文藝給糈養文教興矣一日進博士弟子曰詩咏太王作廟翼翼而繼之曰迺立臯門臯門有仇迺立應門將將頌魯僖載色載笑匪怒伊教而先之曰既作泮宮孔子之門牆不飾學地壞不修謂化誨爾多士何于是計版築圖規制書土庸程期日鳩材合作于廟則葺戟門一櫺星門一泮泮池一千學則修明倫堂一東西齋各一號房若干楹名宦鄉賢祠舊宮牆外移戟門左右顏其額名宦曰澤被一方鄉賢曰風師百世烈女舊先師殿後移殿旁隙別立門牆以示有別材仍舊貫半易其朽增其不給諸版築陶治之費自督學李公批

給學田穀一百石兵道陳公本府批允久空閑官地變價銀六十六兩四錢二分外餘悉公捐俸錢贖鏹爲之以故事訖而民不知財不靡趨事者不勞始于季夏終旬迄于季秋中浣凡三閱月而告成遠密軒敞窅窅耀耀奕奕堂堂瞻之者爽目快心罔不神公之功也文學崔君李君命其弟子宋生名儒輩請記于余余嘉乃績辭不獲竊以爲孔子之爲教篤行爲上講習次之我國家又安二百四十餘年爨孽浸廣士習皆窳學問厖雜而肆帖括殆同語怪後學方沉面濡首以取世資孔子文行道脈槩未有得藉令天子開石渠白虎之觀延置諸生論五經同異問郊祀禘嘗之禮興明堂辟雍之治策河渠四夷之事察五行災異之變何以置對何以仰承陳公修廟學作人之意旨哉余願多士俎豆衣冠于其中者入孝出弟守先王之道以待後學又以經術不明爲耻由洛閩之說上邇洙泗方其不得于言而求之心也竊若探無朕及其得于心而肆之言也沛若放潰疑質于師辨于友成于衆修于獨規圓矩方博文約禮則宗廟之美百官之富行自見之矣他日上籍太常布列有位舉而措之庶辨于世曰信者之效哉而

陳公作人至意亦駕  
范跨幾令名垂不朽矣

# 知縣廖元發重修文廟碑記

余頃旬郡界魯之右臂由汶泗諸水南詣闕里僅百餘

密邇聖居瞻望宮牆最親且切歲時春秋展謁聖容肅如  
穆如顛如藹如吾夫子儼然在心匪止入廟而思敬也

聖天子臨雍講學更老環侍固投戈講藝息馬論道之時  
每勅下督撫轉行督學頒諸郡縣崇儒右文修葺丹堊

俾橋門壁水煥然生色綦重之矣郡邑有庠成人小子造  
於斯里選鄉舉肇於斯朔朔望環集匪飭觀聽蓋樸棧作人

蓄材育德莫不由是余濫竽斯土初入邑境見村落丘墟  
鷄犬鮮聞行數里罕見一田澤陟數山罕睹一煙爨及入

城市敗瓦頽垣山石嶙積都人士寥寥若晨星噫嘻窮荒  
遠塞復罹兵燹傷心慘目一至於此翼日謁吾夫子遠而

望之廟貌如故兩廡猶存心竊快慰根本之地無恙邑其  
有起色乎既而徘徊詳視見其曙色穿棟苔砌盈壁垂堂

將墮一木難支其何以妥聖靈而安先賢且環堵四壁傾  
者圯者與周道無間牧豎樵採咸得往來茅溥從邁藩垣

且不見峻又何以云富美也至敬聖祠則又敬瓦數椽不足蔽風雨是豈吾夫子追崇所生之意亦豈吾後人追崇之意不寧惟是名宦威靖諸公鄉賢忠襄諸公或勤王室或利斯民或治行赫赫口碑堪傳或文章燁燁著作不朽是皆功德在清羽翼名教之人前人配享於戟門左右誌美報也亦委諸草莽蛛絲蟻陣湮沒弗舉責在守土何能晏然隨不揣竹頭木屑齷積銖累越三載後修葺俱為完固前賢先達諸主缺者補之備晉於祠二丁從事聊得成禮說者謂因陋就簡雖不改茅茨土階之舊殊不見宗廟百官之盛余唯唯否否夫富有日新漸積可致當此瘡痍未起物力艱難之時而責以美善盡制誠所不逮俟運以歲月緩以生聚材物既備費用以饒美輪美奐冊牘重新無難致矣况吾夫子道大難名歸於無名禮無可將太羹玄酒得以告虔但使清之人士尊經守訓言聖人之言行聖人之行不背道而馳不入室操戈父教其子兄誨其弟大者翼道明經小亦修名立行常則如布帛菽粟變亦無患於磨磷涅淄斯文在茲源源相繼神所憑依將在是矣又何嫌於規模之狹隘云

國朝康熙丙午知縣江雯重建儒學

內弘文院檢討邑人白乃貞記

粵稽史冊宋神公世衡城青澗紀載甚詳則邑之學

建自神公云治今五百餘年文獻代興重繕增構規模頗稱崇勝經兵燹後釋菜之宮獨巋然如魯靈光殿而諸講堂誦舍以至博士退食之所咸推圯剝落師弟子鞠于草莽而不能時授受謀欲新之者不果會邑侯江公蒞茲土朔望朝夫子宮喟然嘆曰學廢不治士何所考德問業饗射濶踈經書放失有司行政施教之謂何迺首捐其俸與廩以昇諸能者一時薦紳耆碩弟子員効材力者踵至甃墜棟椽之資不移月而辦所建明倫堂五楹較舊制高數尺廣數武敬一亭三楹博文約禮二齋各三楹廣文署上下七楹至于啓聖祠與諸坊廡門垣僉因其材瓦更造之不半載而煥然一新邑三老諸生相率詣余請一言以彰公德意余不敏竊謂文武並用久長之術而文教爲先文教莫盛于周周官司徒宗伯樂正司成之屬比閭族黨在在有官師子弟其君子文事武備兼脩其小人飲社

讀法兵農合一故周之卜曆遠過夏商重文教也方今與  
圖一統文德覃敷周官法度於是乎肇數年來功令申  
命即縣捐助脩學者皆得錄其績紀于司勳飭士習正文體  
海內蒸蒸蔚興文治而慎選武科授以衛守錢穀考成一  
如有司又取俊秀之善騎射者試以武策亦稱弟子員附  
諸儒學教武以文也江公以世德名家生長考亭之鄉習  
知聖學典故來治清邑愷悌作人不期月而民愛之如父  
毋念邑當要衝疲于奔命百務從儉惟鼓篋之地為文教  
所由興故毅然創舉民忘其勞令士人知所源本而講求  
經術其功匪細益春秋慎用民力臺榭門廡之微雖時與  
義必書書而刺者十九獨倍公脩學詩人頌之以不見于  
經為褒今宮墻數仞先師實式憑之清人文武士大小  
從公于泮色笑而教之自茲敬業樂群披文相質凡民之  
子弟亦且勸學興行不犯有司不累長上教化成而風俗  
美以仰副朝廷菁莪棫樸之意俾成罔太和在宇宙間  
則江公之績殆與神公後先輝映並垂不朽他日公勸相  
國家則禁暴戢兵保大定功安民和衆豐財皆以治清者  
治之于以徵止戈於斯文公名震號伊蔚吳之海陽人例得詳記

名宦祠舊名威靖祠在山川壇左祠宋种世衡王嵩嘉靖

丁巳河西道副使王公楠移文修建扁曰名宦辛酉知縣

郭東改建于文廟之東萬曆甲寅知縣陳汝元改建于戟

門之左兵荒傾圮僅存基址 國朝順治己亥知縣廖元

發重修祀宋環慶路兵馬鈐轄宜撫使贈成州團練使謚威靖种公世衡三班奉職冠帶信軍使王公嵩明

文林郎知清澗縣事譙公仕雄文林郎知清澗縣事高公  
室文林郎知清澗縣事阮公孝

鄉賢祠舊名忠義祠在東嶽下祀宋李永奇李顯忠李烈

女嘉靖河西道副使楠移文修建扁曰鄉賢辛酉知縣郭

東改建于文廟之西知縣汝元改建戟門之右兵荒傾圮



僅存墓址 國朝順治己亥知縣廖元發重修 祀宋蘇尾

九族都巡

檢使李公永奇淮南京東河北招討使贈隴西郡公謚忠  
襄李公顯忠明巡撫湖廣右副都御史白公行順兩淮都  
轉運益使司白公行中河南衛輝府同知白公惟勤山東  
布政司右叅政劉公鏞巡按山西監察御史張公進祿刑  
部右侍郎郝公志義翰林院檢討劉公蘭太常寺少卿劉  
公介山東道監察御史劉公維禴山西大同府通判惠公  
之翰山西絳州知州白公璧兵部侍郎贈尚書郝公名宦  
戶部主事惠公承芳戶部主事郝公允驥徵士萬曆壬子  
科舉人 白公曰可原名蒙遷安縣知縣孫任公明道

城隍廟在縣治東南一百步洪武壬子知縣鄒宗彛建嘉

靖己亥知縣高室隆慶己巳知縣阮孝萬曆戊子知縣唐

思周甲寅知縣陳汝元各重修 序生邑人劉嶠記 粵昔甘聖 帝明王廟不以治民事神

爲先務惟城隍之神經典勿載蓋後人因其保障民生以義而起也逮宋姚鉉編唐文粹始載乾元中李陽水縉雲城隍記然無所謂封爵品制也及元草廬先生吳澂記江州城隍廟後殿則曰江右列郡以漢潁陰侯灌嬰配食豈侯嘗定豫章諸郡而然歟自後繁曩日甚我太祖高皇帝底定四海作神人之主凡祀典實糴不經者悉建立制度正名定分爲萬世成憲若郡邑城隍廟亦其一也初洪武元年戊申詔封天下城隍神在應天府者以帝開封臨濠太平府和滁二州者以王凡府州縣者以公以侯以伯時清澗循舊制爲縣得封城隍神曰鑒察司民城隍顯靈伯按周禮有司民之祭意或有取于此焉三年庚戌詔定獄鎮海瀆俱依山山水本稱城隍號一體改正是年六月二十一日又降旨各處城隍廟屏去閑雜神道越三日又降命各府州縣城隍廟宇俱如其公齋設公案韋版如其守令造爲木主壞其塑像昇置水中取其泥塗壁繪以雲山其在兩廡者如之今天下俗久難變塑像仍舊也四年辛亥特勅郡邑里社各設無祀鬼神壇以城隍神主祭鑒察官吏人民善惡以昭禍福未幾復降儀注新官赴任必先謁

廟與神立誓欲其陰陽表裡以安下民祝詞儀註出自宸  
衷聖謨洋洋發明福善禍淫之機以警飭下臣至矣然吾  
邑廟洪武初知縣事鄒君宗彞創也垂六十餘年而重修  
于縣丞楊君銘時宜德庚戌迄今又年百餘瓦漂棟敗堦  
墜楹折像貌幾盡剝落逮我高侯來主縣事始盡然曰茲  
吾所蒞地要而物艱凡以逆雨寧旱消沴弭疵者舍神勿  
宗則誰其穀我廟以揭虔而可後乎乃圖于其僚沈丞彥  
祥勇幕繼先議以克合方練辰程物屬徒庀工而勸禮興  
義之士咸來薦力易其撓植其歆黜其腐築其圯補其缺  
塞其罅以除以垣以甃以甃以甃樸斷塗墜冊騰黜聖堂寢門  
庶一變炳耀像肖之設寧威慈惠各當其狀供臺器具靡  
不完羨方已亥三月告成次年十一月鄉民父老迭奏簫  
鼓大享妥神禍福驚動稽首畏服是歲他境或以災告而  
環清四野庶焉樂郊民之怡神如巨防之有截而鬼障之  
有屏謂薰蒿悽愴必求諸其類者豈不信哉邑人僉曰吾  
父母以幽濟明如此子其記之以垂永久乎嶠惟清澗宋  
种世衡之築也俗改貞直而敬鬼神今其民非昔之死孝  
死忠者之裔若宗乎保聚教訓胥及三世土之涵育神之

廢麻有引有翼其不滋行以頌乎傳曰夫民神之主也是以聖王先成民而後致力於神侯今爲縣六年明德精專治民事神之有序克成聖祖之志其力亦靡細矣又宣其秉誠新美是廟俾民康其而繼今秦牲潔齊來娛神保顧瞻庭宇洒掃勿亟有不興其其棠勿剪之思乎是皆吾祀不得而畧者也侯名室字濠之大名人也行將進用柄大政而廣施設焉天下可以共觀治民事神先後之宜矣是爲記其後重修各有碑記不備載

**土地祠**在縣治儀門之外東萬曆甲寅知縣陳汝元重修

**八蜡祠**在縣治北四十步丙辰知縣陳汝元創建今廢改建于南

門外龍王廟左

**馬神廟**在縣東南八十步舊驛基之後萬曆戊申建一在縣北

七十里石

嘴驛之左

烈女祠祀宋烈女李氏初配享忠襄祀嘉靖辛酉知縣郭

東改建襄祠于文廟東更名鄉賢祠以烈女同祠不雅改

建祠于文廟之後知縣陳汝元又以出入由文廟不便徙

建于永新巷之右正位祀李烈女而配以明朝節婦王綱妻張氏張鳳妻郝氏苗實妻郝氏劉嶠

妻郝氏烈婦惠及科妻王氏總道聖妻趙氏烈女邑民劉

興女劉氏節婦生員王永祚妻白氏祠經兵拆無存辛丑

知縣廖元發重建於永新巷之右附舊志陳汝元記李忠

襄之南歸也其父永奇挈家而行至馬翅谷為金人所及

家屬二百口皆遇害忠襄有妹國色金人欲犯之不從乃

縛其兩手于樹命左右射之叢矢貫臍罵不絕口而死後

有司立祠祀之因以明朝節婦配饗焉其祠歲久傾頽且

在文廟後出入由學宮春秋有事殊覺未雅予于受事之

明年改建于永新巷右別闢門徑用昭特祀廟貌既新禴

嘗復便斯一舉也清州士女有不益知所觀感而砥礪者

手雖然士願爲良臣不願爲忠臣女願爲賢婦不願爲烈婦豈忠良賢烈果分執而馳哉遇有幸有不幸耳李氏一處女子非不欲相忘于閨壺不幸而橫遭強人汗絮在順逆間非一死不足以明志所謂有重于泰山者非耶若忠義深計紆籌卒能轉弱爲強開疆拓土爲宋室中興名將其視一死塞責者不啻霄壤矣二者相提而論似乎有從容慷慨之外然其清風大節俱耿耿不磨無二操也而又忠烈萃于一門爲一時鼓節義爲萬世植綱常天地間必不可無此一段正氣豈直爲邑里之光而已哉予母氏亦以完節旌于朝每遇守貞不辱者輒景慕而痛惻之故予人烈女之里謁烈女之祠而重有感焉因論次其事以愧夫女子之不烈者且以愧夫丈夫之不烈女若者是爲記

### 知縣廖元發重建烈女祠碑記

嘗讀宋史至都巡檢李永奇忠義李顯忠破家殉國

英風奇勳表表人寰知其可以勸忠忠義妹李氏義不受辱罵賊而死跌之錚錚知其可以勸烈烈然永奇馬翅谷之難爲敵所乘家屬無唯類忠義徒手復讐髮立戰功又見忤於奸檜見忌於邵宏淵厥志弗酬則忠而難焉者李氏

被執叢矢貫臍至死不渝則烈志其難焉者余乙未秋來蒞茲邑爲忠襄故里景其芳躅考其舊蹟鄉賢烈女祠鞠爲茂草瞻謁無所時在諸務未遑每用耿耿越庚子名宦鄉賢二祠並建春秋上丁得以從事烈女僅告虔於露處非惟無以肅典禮亦何以示風勵庠生王篋嘉以母從配烈女祀爲余計修舉余不諒鳩工庀材因舊址而建置焉拂陳公汝元碑記愾然太息曰爲烈女難爲忠襄妹之烈女更難觀其言曰父爲宋臣我爲宋女見女之識大義及其被執曰頭可斷身不可辱見女之輕死生辨污潔至叢矢剝膚罵不絕口見女之大節不奪屹然如山嗟乎覆巢之下自無完卵李氏家屬二百餘口悉膏敵刃女獨何生惟是恐喝弗動飲羽自其丈夫之所難而女子之所易昔人云天地有正氣爲星辰爲河嶽金石不變霄壤並峙此其是歟此其是歟史曰忠烈萃於一門宜哉厥後清之松筠勵志冰霜持操者代不乏人其有所觀感而然歟抑清之風醇而行美也余故備考前之配祀者並晉之於祠以示勸崇之意云脫若家喻禮義戶尊坊維士勤修行婦習溫順肥庶然相安於和平斯世之福斯民之幸夫何板蕩

漢風國士見疑貞女受禍使其氣可成虹血可成碧千古  
飲恨雖日名垂不朽百世猶生當日之報施是遵何道哉  
後有過圖水考忠襄遺事瞻廟祠憶馬翅谷蒙難巔未止  
當用吊而不當用賀也噫

按以上諸祠載在祀典非淫祀比故首列之若天神地  
祇忠臣烈士亦非淫祀比故次于祀典之後第風火等  
神乃有司所祭而皇天后土五嶽四瀆諸侯且不得祭  
况民間乎至于寺觀相習已久刻刻為一例並載之

王皇廟

在縣東一百里高家坨

風神廟

在縣東八十里盤地林元至正三年建

雷神廟

在縣東一百一十里蘇家塌

火神廟

在縣東二百步東溝

文昌祠

在縣東南五十步洪武已卯建

洪武戊申萬曆乙巳各重修其臺巍然周圍僅百步清流  
透麓古栢參天頗為奇絕俗傳李顯忠之將臺也訓導富



順張漢記縣治城南界東兩山對峙中突一山其頂曠然  
檜柏森森交映于其前澗流消消盤繞於其下錐岬峨壘  
翠溟瀚浪層不是過也洪武己卯川蜀眉陽田公煥典教  
于斯慨茲山之景勝恐日月之乏人迺以文昌七曲宏二  
大帝爲文章司命人物權衡徧海宇而奉祀之者總總然  
也何清澗之獨無實爲缺典鳩工剗廟于此山焉重簷累  
拱盡棟雕梁塑像于中巍然肅然而春秋奉祀卒獲靈應  
至今委蛇騰文價而登科第者後先相望炳烜赫雖由  
于學博才瞻之所致非神之默相曷克臻茲正統戊午典  
教程公貞重建門堂架屋三楹而此廟煥然壯麗迨夫弘  
治改元歷歲既久掌教張公縉致政吳公璋觀廟宇之傾  
圯瞻神像之剥落泱泱荒隘不足以便時饗于是乃捐俸  
幣率衆僦工傾圯者加以木石剥落者采以丹雘工不勞  
人費由衆出不踰月而廟貌一新有翬飛之美正欲勒貞  
珉以垂永久奈行有日遂寢其事于是諸生若于輩以張  
公雖行而重神恤祀之心昭昭若鑒耀人耳目殆有未民  
無言以紀之可乎感請予言以紀歲月予以爲維神之生  
在于西蜀變化九十有七忠孝傳家斯文宗派司天祿而

公子奪握桂籍而柄去取真誠懇切以奉祀者則嗣無不  
得祿無不臻其效如影之隨形響之應聲殆不棄于錙銖  
矣其神效豈可名而勝言耶是宜創造茲山而優游盤盤  
而感應有如是夫吾知嗣是以往潔祀于春秋默廕于  
日步甲第陟榮要者蟄蟄繩繩而蟬聯蟻引矣烏可涯  
測哉予重其請素猥于文特述創造之首末而梗概有如  
此若夫諸生并助王者之姓后土廟在縣東一百  
名悉著于碑陰以垂攸久云

在縣東南一里其山卓太白行祠在縣二里半  
爾孤高萬曆癸卯重修石臺寺後龍王廟在

東南七十步山川壇之河伯廟在縣東九十  
北各鄉俱有不能悉載里郭家河三皇廟在縣

十關帝廟舊名大關王廟在草場山之北萬曆丙申知縣  
劉應科建國朝順治己亥知縣廖元發重修

又小關王廟在縣治東北府君廟在縣治北街之北按搜  
山邊盡處元至正年建神記府君姓崔諱子王

祁州鼓城人仕唐為長子縣尹有異政後為神宋封護國  
西齊王秦晉間多祀之

寺觀 東山寺

在縣東門外二百步元至正二十二年建永樂初重修 國朝順治己亥知縣廖元發重

修邑人劉大觀詩古剎東山向晚登空門香霽月將升延

水漠漠遙相對夏木陰陰暮一凭上界微茫分佛院平林

迤邐隔雲層覺來頓悟浮石臺寺 在縣南二里半相傳以

生理入夜松衫白露凝 為宋僧王嵩萬曆曆戊

申復建觀音洞高五丈餘巍然壁立稱一方勝境邑人劉

士麟詩古剎湮淪自代遷巍然新構插中川器連雲影三

千丈臺巒烟光億萬年山岫透迤排檠戟河流擁護見淵

旋一方仙景從今造到此應知割制賢知府米脂李融明

詩南樓突兀鎖烟霞臺起浮圖景更嘉碧澗添芳盤七曲

青山疊翠映千家星樓半插天河近月翻平結雉堞斜倚

檻長舒牛斗望元龍意氣搃豪華知縣王廷議詩石臺聳

地起屹屹砥中流卓錫山光好翻金草色柔月知水近

雲遙遠峯悠 天子大佛寺 在縣北十五里宋皇祐年建

崇嘉績登歸此是不 宣德正統成化正德萬曆辛

卯乙卯各重建 國朝順治庚子知縣廖元發重修教諭

邑人惠萬錫記佛之教其來尚矣肇建于周昭求法于明

帝通骨于憲宗粵自我明建立寺院設僧綱以尸香火爲其教普愛廣度因緣果報之說亦足與凡民而之善亦神道設教之意云縣治北十五里許名大佛寺創建于宋皇祐間父老傳云日值崦嵫一婦在田間見一僧長丈餘自西來凌雲驟至問今夕得詣長安否婦曰長安遠矣欲至莫非神乎遂大霧迷天婦驚回越三日霧始霽衆駭而往視之見巋然屹立一石如來也遂建寺以祀大佛所由名焉人見其右臂軒舉有施藥濟衆生狀偶一疾者搦方寸紙授佛掌心虔誠默禱須臾見藥如海金沙得而吞之遂瘥于是遠近翕然競祈靈藥得紅藥隨藥有喜得黃白者雖猶亦愈得黑藥者厥疾不瘳矣有求必應于痘症尤驗厥後世異時殊雖代修葺然時久而敵理固然耳後值大浸齋廬精舍鞠爲茂草碑踣溝中爲巨浸沒神聖施藥之靈近知之而遠則湮滅無傳焉歲在辛卯之夏銀川進士李公過此祈藥而應因見敗壁頽垣低徊久之乃嘆曰神聖之靈如斯忍令其蒼鼠蹒跚聲名湮滅耶遂捐金鳩工仍命諸檀越立石道左以彰靈異使四方知靈丹普濟真是起死人而肉白骨也用是居士陳淋僧明義等共發誠

心募鄰人重飭殿宇再豎碑銘正言于余以記歲月余孔氏之徒不善伎浮屠于船塹間然壯夫慕義何處不免苟斯世斯民感戒律而善念興得靈砂而沉疴愈亦吾師立人達人拯機拯溺之遺意也余伎焉足辭用誌始末為四

**方神宗寺** 在縣南四十里白家塢 **臥龍寺** 在縣東五十里樊家岔永樂初年建萬曆己亥重建

**石臼寺** 在縣東南六里 **萬禪寺** 在縣東八十里砌道塢 **龍尾寺** 在縣北八十里

**王家舖寡婦寺** 在縣東八十五里寡婦今祀 **懸空寺** 在縣東九十里店字

**溝華山寺** 在縣西一百里崔家川 **合濟峪寺** 在縣東一百里白家川

月疎林闢曉風隔溪 **懷寧寺** 在縣北一百里懷寧城 **華嚴寺** 在縣東一百二十里白草砦內邑

高土語疑是武陵翁 **白草寺** 在縣東一百二十里白草砦內邑

宋嘉祐二年建 **永寧寺** 在縣東

氣寒眼中卑晉界雲下識河千古幾依巖 **永寧寺** 在縣東

立孤村向整看殘碑不可讀勞我解征鞍

兩河漢王寺在縣東一百三十里党家山邑人白乃建誌

龍宮經歷幾何朝遊子聞來踏野蒿院茁荒

苔迷草徑峯餘右栢拂雲霄刹名當日誰傳漢字蹟

無煩再訪蕭望裏嵐光堪寄目天風颯沓夕寥寥

玄帝廟在縣西一里三官廟在縣西筆架山之麓

子孫娘娘廟在縣西筆架山之麓

順惠大王廟在縣東九十五里後坪強溝老君殿在縣治北草場之麓宣德年建西方

聖境殿在縣西筆架山之麓觀音閣在縣南一百步鍾樓山之陰邑人白篆詩崇巖勝蹟貢山靈蘭

若環聞黍稷馨石澗瀾清通智海芻尼巢頂探髡形叅禪

已悟無生忍證法須翻最上經肯許浮華紛過眼漫題半

偈作三清觀在縣西筆架山之麓準提庵在縣南百步邑人白乃建詩禪林叢綠堵相環鳥雀

新銘高飛白日閒酒後態狂堪見性詩中句累不曾刪參差樹

影迷人夢繚繞烟光解客顏坐待晚涼聊蕩俗老僧未許

閉柴關在教場東白衣庵在教場東

闕

青門系志

卷之二

寺廟各處皆有不過一二三楹且多傾壞僅存名勝者列如右

風雲雷雨山川壇在縣東南一百六十步知縣陳汝元荆建

社稷壇舊在縣西一里知縣陳汝元改建於北門之外

邑厲壇在縣北一里

墳墓漢韓信毋墓在縣北五十五里官山嶺明朝郎中許用中詩四十五里官山坡虹流駢峙勢

嵯峨卧龍灣連將印臺潑泐百里枕黃河韓信葬毋于其巔瑞氣蒼葱葱如旋螺彼時尚為牧羊兒山靈指示誅藤蘿

緇鈐量亦神所授郡兒排陣習干戈從此挾劍江淮去寄食漂母跨下過大勇似怯有定見一時詎足云蹉跎登臺

拜將封齊王人何宋尙書劉行佃在縣南五十里石白嶺尙書任泰亨

墓在縣西七里張溝團練使高永能墓在縣東九十里元大尉党

時濟墓 在縣東一百三十里党家山有碑 總管李時忠墓 在縣東四十里鶯兒里 師

安墓 在縣南賀家灣西 明朝都御史白行順墓 侍御史白行中

墓 俱在縣東一百里全禮萬原 叅政劉鑄墓 少卿劉介墓 御史劉

維禴墓 俱在縣南七里灣 同知白惟勤墓 在縣南四十里賀家灣 知州郝安

墓 侍郎郝志義墓 俱在縣北八里粵子塌 御史張進祿墓 在縣西三十里

劉家庵 檢討劉蘭墓 在縣北七里牛家灣 同知郝序墓 在縣北十五里高家店 長

史劉大觀墓 在縣南七里安子山 通判惠之翰墓 在縣北七里王山 知州白

壁墓 在縣南十五里徐家溝 尙書郝名宦墓 在縣北十里舖 主事惠承芳墓

在縣南石 知州白宗舜墓 在縣東十里惠家岔 僉憲白慧元墓 在縣東七



里榆 孝廉白篆墓 在縣東溝惠家  
塲 翁同訓公之右

### 田賦志第四

戶口明萬曆以前戶五百四十四口八千一十七 男子四千五百

三丁婦女三千 崇禎四年大饑盜起十數年間或死于荒

或死于兵十存一二 本朝定鼎以來雖漸有生聚尙不

及十之三四培養元氣以致蕃庶是在賢者加之意耳今

戶二百四十二口二千八百七十七 男子一千五百二十二丁 婦女一千三百六十五口

地畝 清邑地本磽确田皆瘠薄無平原大川計地不以畝

而以墾後又訛而為純為晨大約一墾為地四畝或

云牛耕自朝至暮為 巡官作巡未知孰是

原額折正一等地一千九百七頃六十八畝七分共額徵  
夏秋本折糧七千八百三十六石七斗七升一合九勺三  
抄九撮七圭內除召佃減納糧三百一十七石七斗八升  
五勺八抄七撮四圭止該折正本折糧七千五百一十八  
石九斗九升一合三勺五抄二撮三圭內 起運榆林歸  
廣二倉額糧四千二百七十六石八斗八升三合一勺三  
抄 存留石嘴驛倉秋本色粟米一百石聽支客兵 本  
縣石嘴岔驛倉本色馬草二千八百七十八束八斤九兩  
四錢八分聽支客兵 存留本縣官學倉糧四百九十五

石六斗二升六合一勺七抄七圭共徵銀三百九十六兩  
五錢九毫三絲六忽五微六纖 折色糧原額二千四百

四十六石四斗八升二合五抄一撮六圭共徵銀四千七  
百四十兩六錢一分四厘二毫二絲三忽三微九纖八塵  
原額人丁三門九則不等共折下下丁一萬一千一百五  
十三丁除匠價外每丁徵銀三錢一分九厘二絲七忽一

徵共該銀三千五百六十三兩六分四絲 內除優免丁

五百五十五丁共銀一百七十七兩六分四絲 行差丁

一萬五百九十八丁共額徵銀三千三百八十六兩內除

匠價銀四兩九錢五分止該丁銀三千三百八十一兩五分  
地丁二項共額徵銀八千五百一十八兩一錢六分  
五厘一毫五絲九忽九微五纖八塵內 起運 戶部民  
運銀一千三十七兩六錢七分七厘三毫七絲七忽 祿  
糧銀三百一十七兩二錢五分 九厘銀一千一百九十  
七兩八錢五分一厘六毫四絲七忽三微九纖八塵 土  
兵銀六百五十六兩五錢一分六厘三毫 節裁銀四百  
八十三兩三錢三分三厘三毫 工部軍器銀一百二十  
二兩二錢 毛襖銀二十一兩六錢 以上各部原額銀

三千八百三十六兩四錢二分八厘六毫二絲四忽三微  
九纖八塵 存留原額經費官役俸食襍支驛站等項銀  
四千一百三十四兩九錢四分五厘八毫二絲九忽 遇  
閏加銀一百八十一兩五錢九分四厘四毫三絲外 順  
治九年會議裁銀二百三十六兩 遇閏裁銀一十八兩  
順治十二年裁扣傘扇銀八兩 順治十四年裁扣官生  
俸廩等項銀二百一十四兩二錢一分四厘四毫七絲  
遇閏裁銀一十五兩二錢六分三厘三絲三忽 順治十  
五年裁汰冗員銀四十九兩五錢二分 遇閏裁銀四兩

一錢二分六厘六毫六絲六忽 舊編冗費裁剩解 部

銀三十九兩五分六厘二毫三絲六忽五微六纖 以上

起存各款載在全書每歲增加續墾除荒徵熟各年不同

**額外**課程銀四兩六分九毫一絲 遇閏加銀三錢三分

八厘四毫九忽一微六纖 地稅銀八兩 新裁協濟府

學廩糧克餉銀九兩六錢 遇閏裁銀八錢 匠價銀四

兩九錢五分 遇閏加銀四錢一分二厘五毫 協濟府

學廩生月糧銀四兩八錢 遇閏加銀四錢 換帖稅銀

二兩內 綿花行五錢 布行五錢 斗行五錢 牙行

五錢

鹽法本縣地非斥鹵並無商販隆慶庚午議准改食花馬池然皆小民之零星稍買耳間有食米脂縣者亦從其便也向無鹽引繳縣而巡鹽員役往往以此坐罪莫可控訴今部發鹽引西路道分給本縣先五百道後於十三年八月內新增二百二十道每歲該課銀共一百一十二兩三錢二分屢催向花馬池駛鹽繳引輸銀百姓苦告花馬池去本縣牲返二千餘里殊爲未便情願輸銀不取彼鹽就近食米脂湖鹽公私兩便等情屢經申詳順治十三年二

月內奉 本府轉奉爲諮訪蓋法利弊事蒙 靖邊道張

蒙 巡按山西等處監察御史朱 批據本道呈蒙 本

院憲牌同前事云查照備云原詳及批云事理該縣遵照

本院批詳暫照舊完課又于十三年十二月內蒙 西路

糧餉同知程 帖文爲懇鑒苦情俯從民便事蒙 靖邊

道婁 批據本廳呈據延川延長甘泉清澗中部宜君縣

申蒙 本廳帖文蒙 本道案驗蒙 巡按山西等處監

察御史焦 批據中部縣申前事等因各申緣由到廳據

此看得中部等五縣皆以不馱蓋爲便惟甘泉縣議若馱



鹽聽從民便若不馱鹽聽民納課此議最爲酌中已蒙  
憲臺俯鑒各縣民情而各縣之公議又復如是自宜准從  
馱鹽與納課聽其自便等因呈詳 本道蒙批本道詳

院之文鹽之馱與不馱聽從民便原未拘定必馱鹽必不  
馱鹽也惟期完課銷引耳今六縣之議亦是此意而茸泉  
之議更覺明爽該廳即將本道批詳轉行六縣知會并行  
大池管鹽官遵照繳依奉遵照節次批示聽從民便完課  
銷引課解榆林廣有庫掣引申繳 靖邊廳彙繳百姓乾  
近買食米脂湖鹽知縣廖元發申文查得清湖湖距花馬

池徃返二千餘里道路險巇人烟稀少夏秋間有行者人  
暴數日乾饑藉冰而食搜泉而飲亦有竟日不得勺水者  
直則披毡露宿驢畜則野食生芻惟夏秋有也至于  
冬春山泉已涸寒草盡枯驢畜將何恃而食窮邊極寒凜  
風凍雪墮指龜膚人畜俱困何以能行清邑離米脂僅百  
五十里非有千里之遙也其道坦平非有險巇之患也有  
廩食可棲人得以養畜可以秣非有艱難之備嘗也清之  
人安肯舍近而之遠舍易而之難且清所馱蓋數百石計  
驢得千數百頭方能馱完總清邑所養驢畜甚少路一月

始能往返合清之人畜計之即終歲奔走道路而不能完  
此一役恐清之土地由此而不獲專耕清之賦稅由此而  
不獲專辦此際此情千難萬難酌權而通變之無如仍舊  
准食米脂湖鹽完課銷引庶幾上不悞 國下不病民既  
經士民合詞呈告前來相應申請懇乞 憲臺俯賜轉申  
云云

**茶政**本縣地不產茶原無私販萬曆乙酉 題准陝西腹  
裏地方私販橫行議行巡茶御史招商給引散買園戶餘  
茶驗明發買於往指西安鳳翔漢中三府而不及延安則

清無私販者可知矣乃每歲坐巡捕員後以不行緝獲之  
罪所當亟爲申豁者也

物產五穀皆美種瓜果蔬菜種類畧備樹有栢槐椿楸榆  
柳垂楊白楊三川柳杜梨烏獸則六畜之外野禽獸間有  
數種花無常產蒔植園亭者亦有佳品 試金石 青石  
可以礮碑薄者代瓦

清江府志卷之二終

